

## Шофер Н. Кошкин суткдан 9,5 тонн буудя элеваторур зөөнә

Тәрә хуралгъна кӧдлмшиг 10 хонгин эргцд, хадлгън, цоклгън хойриг онц-онцднь кегъад, государствд буудя орулдж ӧглгънә зураг болзгаснь урд кӱцәхин туск Ставропольск крайин колхозникудин, колхозницсин, ясврин-техническ станцсин кӧдләчнрин болн селәнә эдл-ахун специалистнрин дуудвриг Яшалтинск района авторотин шофермӱд байрта кевәр таасдж, дӧнънджәнә.

Аца зӧӧдг автомашина шофермӱд колхозмудин болн совхозмудин токас буудя ачдж, Сальск элеваторур зӧӧлгънә кӧдлмшт йилгъән сәәнәр кӧдлджәцхәнә.

Келхд, «ГАЗ-51» гидг автомашина шофермӱд — комсомольцнр ӱр Е. Киричек болн Н. Кошкин ӧдр болгън 7,5 тонн буудя Сальск элеваторур зӧӧдж кӱргх, буудя зӧӧлгънә кӧдлмшт 8 процент горючий әрвлх, дакад автомашигъән эвдрлт угагъар хадгълх даалгъвр авцхав. Шофермӱд Е. Кар-

сов, И. Бей, П. Берюлин, И. Роменский, нань чигн шофермӱд буудя зӧӧлгънә кӧдлмшиг хурдар болн икәр аца зӧӧхд ӧӧдм даалгъвр авцхав.

Авси даалгъвран ӱзмджтәгъәр кӱцәдг шофермӱд оln бәәнә. Ӱлгӱрнь, «Новый мир» колхозин механизированн токас Сальск элеваторур буудя зӧӧджәх шофер ӱр Н. Кошкин Яшалта Сальск хоорнд суткдан 4-5 рейс кенә. Одахн эн шофер нег суткин эргцд 9,5 тонн буудя Сальск элеваторур кӱргв. Шофер Е. Киричек суткдан «Заготзернон» складт 10,5 тонн буудя зӧӧдж кӱргв. Шофер ӱр Карсов суткдан 7-8 тонн буудя элеваторур зӧӧдж кӱргджәнә. Иим шунмгъа шофермӱд оln.

Яшалтинск районд кӧдлджәх цуг шофермӱд государствд буудя орулдж ӧглгъиг болзгаснь урд кӱцәхин тӧлә сӧӧдр гилго, унтл-кевтл уга кӧдлджәцхәнә.

**А. ДЖЕВАЛДЫКОВ.**